



Saksframlegg

Sakshandsamar:	Sektor for oppvekst, undervisning og kultur			Linda Judith Svidal Nordås	
Avgjerslemynde:		Arkivnr.:	23/2849	Klassering:	

Tilbakemelding verbalvedtak frå budsjettvedtaket for 2023

Kommunedirektøren sitt framlegg til vedtak:

Orienteringa vert teke til vitande.

Saksopplysningar:

I budsjettarbeidet for 2023 vart det gjort følgjande verbalvedtak:

«Open Hall

Rådmannen får i oppdrag å ila første halvår 2023 leggja fram ei eige sak til politisk handsaming der ein ser på moglegheita for å realisera "Open Hall" i Osterøyhallen. Saka skal sjåast i samanheng med blant anna frivilligsentral og tilbod for flyktningar.»

Administrasjonen beklager at dette verbalvedtaket gjekk under raderen våren 2023.

Bakgrunn

Osterøy kommune er organisert med eit kommunesenter (Lonevåg) og tre områdesenter (Haus, Valestrand, Fotlandsvåg). Det er sagt at alle disse 4 sentra skal ha barneskule, og at dei skal vere «levedyktige områdesenter med varierte og sterke tenestetilbod» (Kommuneplanen sin samfunnsdel).

Verbalvedtaket ber administrasjonen utreie open hall i Osterøyhallen. Det er ikkje nemnt kva aldersgruppe tiltaket er meint for. Sidan vedtaket vart gjort, er det starta opp Open gymsal på Fotlandsvåg skule, og Intro DM har starta opp open hall i Osterøyhallen for 13 – 16 åringar kvar fredag. Vi er ikkje kjent med i kva grad Intro DM sitt tilbod er kjent i målgruppa. Administrasjonen har tilbydd seg å hjelpe til med marknadsføring, men Intro DM har ikkje takka ja til det tilbodet.

Vurdering

Administrasjonen ber Heradsstyret presisere kva ein meiner med vedtaket for at ei politisk sak skal svare ut det politikarane ynskjer.

Vi treng informasjon om:

- Målgruppe, spesifikt alder
- Korleis ein skal forholde seg til «omgrepet» områdesenter sett opp om aldersgrupper; Administrasjonen tolker det dithen at tilbod i regi av kommunen ut barneskulen skal primært vere i områdesentra. Dersom denne tolkinga er riktig, ber vi heradsstyret melde tilbake om kommunen skal organisere open hall i alle gymsaler, eller om vi skal tilby gratis bruk av lokale til dei organisasjonane som ynskjer å tilby dette i sine lokale senter. For Lonevåg er dette då enten speilsalen på Lonevåg skule eller Osterøyhallen.

- Intro DM sitt tilbod rettar seg mot ungdom i ungdomsskulealder. Det betyr at vi via BUFDIR midlar nå har tilbod både i hallen (idrett) og open møteplass på Kultursmia kvar tysdag. Dersom Heradsstyret vurderer at dette ikkje er tilstrekkelig, ber vi dykk om å presisere kva manglar for aldersgruppa 13 – 16 år som skal utgreiast.

Økonomi

Osterøy kommune betaler for Osterøyhallen, og tilgang til den for fritidsaktivitetar og undervisning for barn og unge. Vi har per i dag ikkje gått i dialog med Osterøy aktiv for å finne om det er mogelege ledige punkt for tiltaket innanfor dei rammene vi allereie betaler for. Administrasjonen vurderer at det er uheldig å auke nokre utgifter knytt til dette sett i lys av at vi arbeider med eigarskapsmelding for idrettsanlegg. Der vi vi sjå på dei heilskapelege rammene for idretten.

Det er ikkje rom for å auke stillingar, eller at dei tilsette på Kultursmia skal ha ansvaret for den praktiske gjennomføringa av Open hall. Vi vurderer det som usannsynleg å få meir Bufdir-midlar til formålet, sidan det allereie er to tiltak for målgruppa i kommunen.

Konklusjon

Administrasjonen ber om ein tydeligare bestilling for å kunne svare ut verbalvedtaket.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost